

Guangjsih Minzczu Bau

ganhhau: CN45-0036 B.2019 Nd.11 Ng.27 liggaueq geijhah nienz ndwenit co' ngeih

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3401 期

Aen Ban Son'gyauq Yawjhag Cuengh Gun Song Sawvah Sonhag Bi 2019 Daengx Gih Youq Vujmingz Gih Banh

Ndwen 11 ngoenz 19 daengz ngoenz 20, Aen Ban Son'gyauq Yawjhag Cuengh Gun Song Sawvah Sonhag Bi 2019 Daengx Gih Youq Vujmingz Gih banh, hozdung dwg Swcigih Gyauyuzdingh cujiz, 80 lai boux gyauyenzyenz Cuengh Gun song sawvah, lauxsae Cuengh Gun song sawvah daengx gih gak yienh (si, gih) camgya aen ban neix.

Ndwen 11 ngoenz 19, gyoengq vunz camgya hozdung faen baenz song cuj, faenbied bae Vujmingz Gih Gingloz Siujoyz, Senhhuz Cin Cungh-gyauz Siujoyz yawjhag yienhcieingz hwnjdangz.

Youq gwnz aen hoih veibau doxgyau ndwen 11 ngoenz 20, Swcigih

Gyauyuzdingh Minzczu Gyauyuzcu cucangj Cinz Yengenh cungfaen haengjdingh aen hozdung neix guh ndaej baenz. De naeuz, youq coglaeng sonhag Cuengh Gun song sawvah, aeu roxyiuj gij yiyei youqgaenj haiguh Cuengh Gun song sawvah gyauyuz, gyagiengz guenjieix sonhag Cuengh Gun song sawvah, mboujduenh daez-sang gij suciz lauxsae song sawvah, roengzrengz guh ndei sonhag Cuengh Gun song sawvah, caenh' itbouh doi-doengh sonhag Cuengh Gun song sawvah haeujlaeg guh.

Ciuq cam rox, Vujmingz Gih itloh haenqrengz guh hong son'gyauq sawvah minzczu, itloh dingjmaenh cwngecwz bangfuz gonq, lingjdauj

haeujrwz gonq, ngaenzcienz haeuj-coengh gonq, lauxsae boiqhawj gonq, lauxsae gungganq gonq, doxgaiq sonhag aeuahawj gonq, hawj sonhag Cuengh Gun song sawvah ndaej hwnghat ndei. Daengz seizneix, diegsingz miz aen hagdangz Cuengh Gun song sawvah 13 aen, hagseng 11636 vunz, lauxsae 38 vunz. Doenggvaq lai cungj fuengsik lauxsae Sawcuengh Vahcuengh camgya gij dinfwngz hwnjdangz Sawcuengh Vahcuengh si gaep doxhwnj daengj doxdax ndaej ciengj 25 vunzbaez, hagseng aen hagdangz song sawvah camgya doeg biucinj Vahcuengh si gaep doxhwnj daengj doxdax ndaej ciengj 35 vunzbaez.

(Se Yijnaz Banh Veilenz)

SIUSIK DINJ

● Ndwen 11 ngoenz 23, Cingsih Si Vadung Cin Sanh-youj Cunh Mbanjgwnjicuz banh aen hozdung ciet vwnzva diyyuz, gyoengq vunzmbanj henzgyawj caeuq bouxhek camgya eu fwen, dwk lanz-giuz, bengcag, fouxgvangj-cangz daengj gij hozdung vwnzva diyyuz lai cungj lai yiengh haenz.

(Vangz Anhcungh)

● Luzcai Yen youq mwh haiguh hong banggungz gung-geng, gaenxmaenx damqra "ranzungzhoj + " canjnieb vunqsik, guh hung guh ak dajndaem, ndoengfaex, daj-ciengx daengj conzdungj canjnieb, bang vunzlai gungz-hoj saedyienh vut gungz. Ciuq gyoepsuenq, seizneix Luzcai Yen gungh guh baenz dieg guhyienh nungzyez miz daegsaek daihneix caeuq dieg guhyienh cunh gaep daengz 91 aen, ranzungzhoj guh canjnieb miz daegsaek vut gungz cwgoemq cingzsoq daengz 89%.

(Vangz Yaubangh)

● Geij bi neix daeu, Denhngoz Yen aeu ndaem mak miz daegsaek dangguh diuzroen youqgaenj hawj nungzyez demyauq, vunz-guhnaz laisou, laebdin giindei bonjdieg swhyenz, haenqrengz ndaem makmaenj cinhcuh, makbakhom, makbug ndaw nding daengj mak miz daegsaek, doidoengh dajndaem mak miz daegsaek gveih-mozva, byauhacunja. Daengz seizneix, aen yienh neix dajndaem mak miz daegsaek najdieg daengz 18.1 fanh moux.

(Denz Siyenj)

● Daj ndwen 5 doxdaeuj, Dunghlanz Yen yinxhaeuj Gvangjsih Lizdwnz Nungz-muz Hwnghat Mizhanh Gunghswh, damqra "gungh-swh + nungzhoj + dieggoek" guenjuh vunqsik, baengh ngaenzcienz haeujguj, bang guenj bang ciengx daengj fuengsik, daiqdoengh ranzungzhoj laeb dangjanq laeb gaj haenx ciengx gaeq-ndokndaem. Seizneix, seizneix, gyoepsuenq ciengx gaeqlwg 252.36 fanh duz, hawj gaeqlwg 420 ciengzbaez, baenz gai 74.45 fanh duz.

(Cinz Gau)



Yungzsuij: Boq Aenvenz Caij Din Venz

Ndwen 11 ngoenz 23, Yungzsuij Myauzcuz Swciyen youq Minzczu Diyyuz Gunghyenz banh ciet max doxdik aenvenz Myauzcuz Cungguk · Yungzsuij gai daih-cibgouj 2019. Haiguh feihyiz minzczu vunz-noix cunzyouz, langh-baij feihyiz vwnzva caeuq max doxdik, roeg doxdaj, gaeq doxdaj daengj hozdung, nauhyied dangqmaz. Ndaw doz dwg vunzlai Myauzcuz cingq caij din venz.

(Liu Swjienh/廖子渊)

Denzlinz: Swnjcienz Vwnzva Coi Minzczu Doxgiet Cinbu

Geij bi neix daeu, Denzlinz Yen gaenjndaet hopheux gij cawjdaez minzczu "doengzcae doxgiet haenq-guh, doengzcae hoenghvuengh hwnghat", doed ok aeu swnjcienz minzczu vwnzva dangguh gij rengz gyamaenh minzczu doxgiet cinbu,

Guh ndei swnjcienz minzczu vwnzva. Haenqrengz gungganq boux-vunz cienz minzczu vwnzva, haibanh aen ban cienz son minzczu vwnzva, aen dieg gangj hag, gapguh aen doih hei, aen doih fouxnyenz, gonqlaeng banh aen ban son'gyauq fwen, diuqfoux, Heiquengh daengj, doicaenh vah minzczu, gofoux minzczu haeuj hag-dangz. Haenqrengz hengzguh aen

gunghcwngz hwnghu gij ndei minzczu vwnzva, netsaed gyagiengz baujhoh sawgaeuq, vwnzva bak cienz, gofoux minzczu, dinfwngz ndawbiengz daengj minzczu vwnzva yizcanj, Heiquengh Denzlinz, fouxnyenz Yauzcuz, Foux-buenzvuengz Yauzcuz, Bouxcuengh caeqbaij Mehyauc daengj 27 aen hanghmoeg ndaej liedhaeuj feihvuzciz vwnzva yizcanj baujhoh mingzloeg.

Guh ndei gij vwnzva angqho ngoenzciet minzczu. Baengh ciet yisuz Heiquengh "sam nyied sam Boux-cuengh · haeujgamj", "Bouxcuengh caeqbaij Mehyauc" caeuq "fouxnyenz Yauzcuz" Lucwngz Yauzcuz Yang, "dauq ranzmeh" caeuq "ciet fungsou"

Lijcouh Yauzcuz Yang daengj ngoenz-ciet conzdungj minzczu, yungh banh doxdax ciengqgo "caemh sim coh dangj", yungh fwen Cuengh, Gun, Yauz, Myauz daengj gak cuz vunzlai gaez yaw haengj dingq haenx, cau' ok gij heiqfaenh minzczu doxgiet naekna.

Guh ndei dinfwngz conzdungj minzczu. Aen yienh neix doenggvaq vatcimh gij cingsaenz neihanz minzczu vwnzva, minzczu fungcingz fungsug, coicaenh dinfwngz conzdungj caeuq canjnieb hwnghat doxyungz, guh ndei guh ak gij ndangdaenj Yauzcuz, gij siuq Yauzcuz, nyumx baengz Boux-cuengh daengj binjbaiz miz daegsaek haenz.

(Dwnz Veijsi)